



www.BibleForChildren.org




Yohana 14



«Mutakizi gerania mu mitima yinyu! Mukizi yemeera Rurema, na naani mukizi nyemeera. Mu nyumba ya Daata mulyagagi ahandu hingi ho'kutuula. Nga hatangabiiri ho, nangamùbwiziri. Na buno, ngola ngagenda yo, gira ngendi mùlingaaniza ho mugayiji tuula.»




«Na bwo ngagendi mùlingaaniza ho, ngashubi galuka,
gira nimùtwale iyo munda imwani. Kwokwo, ngiisi ho
ngaaba, na niinyu hakabe ho mugaaba.»




Niehe Yohana, nie mwene winyu mu kati ka Yesu.
Mu kati kaage, mwo tuli mu longera amalibu.
Munali mwo tuli mu yihangaanira,

halinde tungalongere
mwo'bwami.




Na mukuba nâli kizi yigiriza Igambo lya Rurema,
nanakizi tanga ubumasi hi'gulu lya Yesu,
kyo kikatuma n'gagendi lashwa


mu kalira Patimo.



Lyeryo, nanaba mu kati ko'Mutima. Nanabonaga
mwi'gulu muteresirwi ikitumbi kyo'bwami. Na úwâli
kibwatiiri kwo, âli kizi keyengana bweneene, ngi'buye
yasipi, kandi iri saridwane. Kirya kitumbi kyage, kyâli
soosirwi no'mukuruzi,
gwâli kizi langashana
bweneene ngi'buye
sikaribukile.




Haaho, nanayuvwa ibiremwa byoshi íbiri mwi'gulu,
na íbiri mu kihugo, na íbiri mu kuzimu, na íbiri mu
nyaaja. Byoshi íbiri ho, byâli kizi
yimba kwokuno: «Ulya úbwatiiri
ku kitumbi kyo'bwami na kirya
Kyanabuzi, bakizi longu ubwivuge,
no'lushaagwa, no'bulangashane,
no'bushobozi,
halinde imyaka
ne'myakuula!»




Nanabona i Yerusaleemu mbyahya, akaaya keeru,
kagweti kagajooka ukulyoka mwi'gulu imwa Rurema.
Kâli limbisiibwi nga muhya keera úwayinyanyaaza mu
kugenda imwa yiba. Mu kirya kitumbi kyo'bwami,
mwanayiberekaania izu, Iyanadeta: «Lolagi! Rurema
akoli tuuziri
kuguma
na'bandu.


Baganayamanwa.
Bagaaba bo bandu
baage. Naye
agaaba ye Rurema
wabo. Yenyene,
bagatuulanwa.»



Uyo muganda, ananyerekaga ulwiji úluli mwa'miiji
go'bulamu. Yulwo lwiji, lwâli twanguusiri bweneene
nga kiyoy! Lwâli kizi huluka mu kitumbi kye'kyami
kya Rurema, na mu kye'Kyanabuzi.



Yako kaaya katalyagagi ni'goorwa mbu kayakirwe
ni'zuuba, kandi iri mwezi. Mukuba, ubulangashane
bwa Rurema, bwo buli mu katanguula mwo. Kirya
Kyanabuzi, Iyo ni'tara Iyamwo.



Haliko, mu
bidwakiiragi, ndaakyo
íkyâye yingire mwo.
Ndaanaye umunabihigo
yeshi, úwâye fine mwo,
kandi iri umutebani.
Ábagakayingira mwo
naaho, bali baabalya
ba'maziina gaabo
gali mayandike mu
kitaabo kyo'bulamu
kye'Kyanabuzi.




«Imigenge yoshi, kundu
igakereka mu masu gaabo,
agagihotola. Hatagaki ba ulufu,
kandi iri ikigandaaro, kandi iri
amalira, kandi iri ubulyanirwe.
Mukuba, ibya keera byoshi,
bigaaba keera byalenga.»



Mu yako kaaya, mutagaki bonekaga íbidaasirwi.
Ikitumbi kya Rurema kyo kigaaba mwo, ne'kya yikyo
Kyanabuzi. Abakozi baage bagakizi múyikumba,
iri banakizi múbona amasu ku gandi. Ni'ziina lyage,
ligayandikwa ku
malanga gaabo.



Nanabona na ábakafwa, abagunda na'bakulu,
bayimaaziri imbere lye'kitumbi kyo'bwami. Haaho,
ibitaabo byanayajuulwa. Ne'kitaabo kyo'bulamu nakyo
kyanayajuulwa. Yabo ábakafwa, banatwirwa ulubaaja
ukukulikirana ne'mikolezi yabo, nga kwo
byâli yandisirwi mu bitaabo. Ngiisi
mundu yi'ziina lyage litakaboneka
mu kitaabo kyo'bulamu,
iri akalashwa mwo.



Umutima Mweru, kiri no'muhya, bagweti bagaadeta:
«Uyijage!» Umundu, iri angayuvwa yaga magambo,
naye akwiriiri adete: «Uyijage!» Umundu, iri angaba
anyotiirwi, ayije! Ayiji yabiira amagoloovi go'bulamu
ku busha, nga ngiisi kwo aloziizi.



Rurema akakunda bweneene aba mu
kihugo, kyanatuma agatanga Umwana
wage we'kininga. Ulya mwana, iri
umundu angamúbiika kwo'bwemeere,
atagaki shereera, haliko âye
longe ukulama imyaka
ne'myakuula.



Barumi 3:23 Si abandu booshi keera bakagira ibyaha,
banakoli buliirwi no' bulangashane bwa Rurema.

Barumi 6:23 Imbembo ye' byaha, lulyagagi lufu. Haliko,
Rurema ali mu tuheereza ikigabi kwo tulonge ukulama
imyaka ne' myakuula, mu kati ka Nahamwitu Yesu
Kirisito!

Baheburaniya 9:27 Bishungisirwi kwo ngiisi mundu ali mu
ba wa kufwa liguma naaho. Ha nyuma, Rurema
anamútwire ulubaaja.

Bahefeso 2:8,9 Ee! Mukakizibwa ku lukogo lwa Rurema
naaho, mu kumúbiika kwo' bwemeere. Yukwo kukizibwa
kwinyu, kutalyosiri imwinyu, si kiryagagi kigabi ukulyoka
imwage. Bitanakulikiriini ne' mikolezi yinyu, gira
mutalonge ubulyo bwo mwangayihayira kwo.



Barumi 10:9,10 Kwokwo, iri wangadeta na' kanwa kaawe
kwo Yesu ye Nahano, unayemeerage mu mutima gwawe
kwo Rurema akamúzuula mu bafwiri, lyo ugakizibwa.
Mukuba, tuli mu yemeera Rurema mu mitima yitu, kiri na
ku tunwa twitu, halinde tunabe tukoli kwaniini imbere lya
Rurema, tunakizibwe.

Yohana 3:16,17 Rurema akakunda bweneene aba mu
kihugo, kyanatuma agatanga Umwana wage we' kininga.
Ulya mwana, iri umundu angamúbiika kwo' bwemeere,
atagaki shereera, haliko âye longwe ukulama imyaka
ne' myakuula. Ibikatuma Rurema agaatuma Umwana wage
mu kihugo, kutali mbu lya' bandu bayiji hanwa. Haliko,
akamútuma mwo, gira lyo ayiji bakiza.



1 Yohana 5:11-13 No 'bumasi bwage bwo bwobu: Rurema
keera akatuheereza ubulamu bwe 'myaka ne 'myakuula!
Bunali mu kati ko 'Mwana wage. Ku yukwo, iri umundu
angaba akola ne 'ngoome no 'Mwana wage, iri akola
no 'bulamu. Haliko, iri angaba atagihiiti, iri na yubwo
bulamu nabwo, atabuhiiti. Yaga magambo, nagayandikaga
hi 'gulu liinyu, mwe mukoli yemiiri iziina Iyo 'Mwana wa
Rurema. Kwokwo, Iyo mulonga ukumenya ku kasiisa kwo
mukola no 'bulamu bwe 'myaka ne 'myakuula!



Yohana 14; 2 Bakorindo 5; Bwigule 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Fuliiru Bible (flr) © 2019, Wycliffe Bible Translators Inc.
All rights reserved.

<https://live.bible.is/bible/FLRWYI/MAT/1>

©2026 Bible for Children, Inc.

www.M1914.org

www.bibleforchildren.org

